



16377

I

Mag. St. Dr.

P

Wicisorkowski Stanisław: Quaestio de  
contractibus iuramento firmatis.



2888 *Pravo.*



# QVÆSTIO

DE

Contractibus iuramento  
firmatis. Ad c. Quamuis

DE PACTIS IN SEXTO.

*Iuncta Authent. Sacramenta puberum. C. si ad-  
uersus venditionem.*

A

M. STANISŁAO WIECZORKOWSKI,  
Collegâ Minore.

FN

Alma Academia Cracouiensi publicè ad di-  
sputandum in Collegio

DD. IVRISPERITORVM

proposita.

*Anno instauratę Salutis 1642.*

*Mense Iulio die i. Hora 8.*

---

CRAC. Typis Valeriani Piątkowski.



IN STEMMA PER ANTIQVVM.



Marte togâque potens olim gens magna Quirini,  
 Clauem, virtutis gessit vbique decus.  
 Quàm benè conueniunt (liceât mihi vera fateri)  
 Hęc, Vir magne, Tibi symbola pulchra Domûs.  
 Marte togaque vigens, per tot miracula rerum  
 Munifice pandis munera clara manus.

VNIV.



AGELL.

GRACOVENSIS



*Illustri et Magnifico Domino,*  
**D. IACOBO MICHAŁOWSKI**  
à MICHAŁOW,  
**Hæredi in Słupia Chlewice,**  
**&c.**

**TRIBUNO LVBLINENSI.**  
**Domino & Fautori vnicè Colendo**  
**M. STANISLAUS WIECZORKOWSKI,**  
**S. & P. F.**

**S***inter graues ac varios occupationum Academicarum labores, quos in Statione literaria, cum antè in Collegio Lubransciano, tum in florentissima & celeberrima Vniuersitate Cracouien. priuatim publiceque studio Illustris & Magnifice Dñe, semper nobilissimo Philosophico studio, amantissimam & pernecessariam Iurisprudentiæ doctrinam, Comitum adiungere, pulcherrimum atque utilissimum, iudicavi. Non quod Philosophiæ (quæ in omnium rerum causis perscrutandis occupatur) ad suam perfectionem maiestatemue aliquid deesse existimarim; Sed ut mutuum Scientiarum nexum, & indissolubile, quod inter ipsas intercedit vinculum, Cominus maiore cum oblectatione & emolumento, possem admirari. Cuius rei, præsentem Quæstionem quam ex Maiorum meorum voluntate publico certamini nunc subijcio, euidentis argumentum esse polui. Tibi*



però eam, incredibili Tuo erga literas humaniores amore, & potissimum erga Iurisperudentiæ Studium innata propensione, id exigente ac persuadente, non alienum à proposito consecrare iudicavi. Præbuit quoque huic meæ debitæ in Te observatiæ declarandæ occasionem commodissimam, in usitatâ Tuâ benevolentia atque eximia humanitas, quam toties mihi & aliis plurimis assatim significare studuisti, cum alias frequenter, tum maxime, quando me minus de Te meritum Domi Tux tam pleno benevolentia & hospitalitatis affectu sapius excipiendum esse putasti, ut meritò mirari etiam modò non desinam singularem non minus animi Tui in rebus agendis dexteritatem, quam facilem Corporis ad bonos mores compositionem, & modestam de Tua illustri & generosa indole æstimationem. Sed naturâ comparatum est Magnifice Domine, ut non degenerent à probis & ingenuis parentibus filij, nec procul à proprio stipite poma cadant. Viget adhuc, perpetuè temporibus vigeat recens memoria, quam & quantam sibi, totiq; inclite ac peruetustæ familie Pater Tuus Illustris, Virtutum & solidæ eruditionis atque prudentiæ Consumatæ splendore, peperit gloriam: qui posteaquam propter legum ac iustitiæ inviolatam observantiam Vicecapitanei Cracoviensis. Officio, cum omnium applausu gloriose functus fuerat, mox Tribunus Lublinensis, totius Nobilitatis suffragijs & sententijs declaratus, non solum æqualium Civium, sed etiam Magnorum & Principum in Republica nostra Virorum, amicitiam, societatem, ac necessitudinem. Virtute suâ, & legum propria genuinâq; interpretatione duce & authore sibi tantam conciliauit, ut ab Illustrissimo Olim Ianussio Duce in Ostrog Castellano Cracoviensi, rigido ingeniorum, animorumque Censore, missis aliis, dignus iudicatus fuerit, cuius fidei, integritati, & regimini, vnicui successoris, vita carissima, fortunæ amplissimæ, atque possessiones latissimæ post mortem ipsius concrederentur. Cui quidem, quia par esse in omnibus, naturæ optimæ, ac ingenij fecundi ductu feliciter contendis, maximopere gaudeo: utque Patriæ prout capisti prodesse valeas, eò ardentius opto & cupio, quo Te propensio-  
rem, & ad ardua  
quæq;



quæq; magis incitatum esse animaduërto. Illud vnicum à Te maiorem  
in modum exorans, vt præsentem hanc animi mei testificationem gra-  
to animo suscipias, & Tuum singulare patrociniū Quæstioni in are-  
nam Certaminis prodeunti, impertiri benignè annuas. Viue Vir illu-  
stris, viue Patria, Familia & mihi quàm diutissime incolumis, Viue &  
Dei Ter Opt. Max. Tuos felicissimos progressus, & indefessos ad tu-  
endam Reipublicæ Salutem conatus, cum prospera valetudine secun-  
dantis, gratiam atque benedictionem perpetuò experire. Dat: Craco-  
uia ex Collegio Minori, 26 Iunij. Anno Domini, 1642.

# Q V Æ S T I O

De Contractibus Iuramento fir-  
matis Ad Cap. Quamuis.

DE PACTIS IN SEXTO.

*Juncta Authent. Sacramenta puberum C. si aduer-  
sus Venditionem.*

V. Contractus cum defectu so-  
lemnitatis à iure requisitæ cele-  
bratus, & per errorem, dolum,  
aut metum extortus, si iuramē-  
to fuerit cōfirmatus, in foro tàm  
exteriori, quàm interiori sit va-  
lidus; adeò vt contrahentes nō  
solùm promissioni stare obligē-  
tur sed etiam crimine periurij si  
alter altero inuito resilierit, inno-  
dentur nec ne?



## CONCLUSIO. I

Contractus sine solemnitate à iure requisitus, non solum in foro externo, verum etiam in foro quod vocatur Conscientiæ, (excepto testamento causa pietatis facto) est inualidus.

### COROLLARIA.

1. Quilibet Contractus requirit certam solemnitatem: nec lex potest efficere, ut Contractus sine solemnitatibus celebratus, valeat.
2. Solemnitates ad publicam utilitatem sunt introductæ.
3. Ad substantiam Contractus requiritur ut persona sit certa, & res de qua contrahitur.
4. Contractus Pupillorum & Minorum, celebrati sine auctoritate Tutorum vel Curatorum de re immobili, vel magni momenti, ipso iure etiam naturali sunt nulli, nec opus est ut aliter annullentur.
5. Solemnitates iuris possunt remitti de Consensu Partium.

CON-



## CONCLUSIO II.

Ad validitatem Contractus siue lucratiui siue onerosi, non sufficit Consensus per errorem extortus.

### COROLLARIA.

1. *Quilibet Contractus cum errore circa substantiam siue antecedente siue comitante initus, est nullus.*

2. *Errantis nullus est consensus.*

3. *Error Communis & titulus putatiuus, operatur validitatem eorum quæ geruntur per inhabilem, quando inhabilitas fuerit de Iure humano: secus si de Iure naturali, vel diuino.*

4. *Contractus lucratiuus, siue onerosus cum errore circa qualitatem celebratus, non irritat Contractum.*

5. *Error in nomine, seu in cognomine non vitiat actum, quando ex aliquibus coniecturis constare potest certitudo personæ.*

## CONCLUSIO III.

Omnis Contractus siue lucratiuus, siue



onerofus, per dolum celebratus, iure positio in vtroque foro inualidus est, quando dolum dedit causam Contractui.

### C O R O L L A R I A.

1. *Fraus vel malitia quâ quis falsitatem expressit vel veritatem suppressit non præsumitur; sed necessario probanda est per eum, qui allegat illam interuenisse.*

2. *Contrahens qui inuincibiliter deceptus est à tertio vel à seipso, cognito dolo, non tenetur obligationem adimplere, si Contractus nondum est utrinque, vel altera ex parte adimpletus.*

3. *Licet Contractus bonæ fidei initus dolo aduersarij sit ipso iure nullus, est tamen in arbitrio eius qui dolum passus est, approbare Contractum, & cogere aduersarium ut eum obseruet.*

4. *Contrahentibus licet permissum sit iure Civili se inuicem decipere, non tamen id conuenit Viro bono.*

5. *Adhibens dolum vel mendacia in Contractu, obligatur ad restitutionem.*

### C O N C L U S I O IV.

b

Con-



Contractus ex metu iusto cadente in vi-  
rum constantem celebrati, etiam si de iure na-  
ture validi sint & obligatorij: iure tamen  
positiuo irritantur.

### C O R O L L A R I A.

1. *Metus cadens in constantem virum is est,*  
*quando aut mors ipsa, aut corporis Cruciatu*  
*grauis, aut vniuersorum bonorum, vel maioris partis*  
*eorum amissio, vel magni lucri subtractio, intermi-*  
*natur.*

2. *Et licet ea quæ fiunt per metum, de iure Ci-*  
*uili regulariter teneant, ex quo interuenit consen-*  
*sus tametsi coactus, nihilominus veniunt rescinden-*  
*da per actionem. QVOD METVS CAUSA.*

3. *Promissio quæcunque legitima & deliberatè*  
*absque dolo & metu facta, quamuis nuda sit, nec*  
*vllâ scripturâ, aut testibus probari potest, in foro*  
*tamen Conscientiæ seruanda est.*

4. *Renunciatio cum iuramento beneficio per*  
*metum, non indiget noua collatione, sed per actio-*  
*nem. QVOD METVS CAUSA, restituendus*  
*est*



*est in pristinum statum, facta absolutione à iuramento.*

5. *Solus metus reuerentialis non sufficit ad rescissionem Contractus: Nisi etiam còactio vel minæ, aut verbera præcedant, aut alius metus grauis illi adiungatur.*

## CONCLUSIO V.

*Contraquentes post acceptatam & Iuramento confirmatam promissionem, parere obligationi tenentur, aliàs crimen incurrunt periurij.*

## COROLLARIA.

1. *In Contractibus utrò citroq; obligatorijs, resultat Correlatio, ita quòd impositum uni, censeatur iniunctum & alteri.*

2. *Tàm de Iure Ciuili, quàm Canonico in obligationibus facti, iuramentum simpliciter interpositum, obligat pæ se ad factum.*

3. *Vbi turpitudine versatur ex parte recipientis obligationem, & non ex parte se obligantis, promissio seu pactum non obligat sine Iuramento, sed secus cum Iuramento.*

4. *Fu-*

4. *Furans scienter illicitum, non indiget absolutione, sed tenetur Iuramentum non observare: secus si Iuravit ignoranter, & aliquo licito modo, est observabile.*

5. *Periurus est, qui facit contra licitum Iuramentum suum non ex necessitate, sed ex voluntate.*



*SVB FELICIBVS AVSPICIIS*

*Admodum Rñdi ac Magnifici Domini,*

**D. IACOBI VSTIENSIS, S. Th. & I. V.**


**Doct̃oris ac Profess. dignissimi, Eccl: Colleg:**

**S. FLORIANI Custodis. Almæ Vniuer:**

**Cracouiensis Vigilantissimi**

**RECTORIS.**





Biblioteka Jagiellońska

stdr0021877



